

Siunnersuummut nassuiaatit

### **Nassuiaatit nalinginnaasut**

#### **1. Aallarniut**

Siunnersuutip matuma siunertaraa Kukkunersuineranut Ataatsimiititaliap piginnaatitaanera aamma paasissutissanik atortussanillu pissarsisinnaatitaanera pillugit Inatsisartut aamma Naalakkersuisut pillugit inatsisartut inatsisaanni aalajangersakkat erseqqissarneqarnissaat.

Siunnersuutip saqqummiunneqarneranut tunngaviuvoq 2020-mut nipsisattassiissutinik Naalakkersuisut qaffaanerannut atatillugu peqataasinnaanermik misissuineramik Kukkunersuineranut Ataatsimiititaliap oqaluuserinninneranut atatillugu Naalakkersuisunit atortussanik tunineqarnissaminik ataatsimiititaliap piumasaqarsinnaanera, taamatullu aamma peqataasinnaanermik apeqqummik oqaluuserinninnissamik ataatsimiititaliap piginnaatitaanera apeqqusermassuk.

Ataatsimiititaliap nalunaarutaa 7. september 2020-meersoq Naalakkersuisullu § 37 malillugu apeqqummut nr. 161/2020-mut akissuteqaataat ilanngussartalik innersuussutigineqarput.

Nalorngissuteqarneq isumaqarnarpoq annerusumik Kukkunersuineranut Ataatsimiititaliap inatsisit eqqarsaatigalugit isornarsinnaasunik kukkunersuilluni misissuineramik taaneqartartunik aallartitsisinnaanermut oqaluuserinnissinnaanermulluunniit, taamatullu aamma tamatumunnga atatillugu paasissutissanik atortussanillu pissarsiniarsinnaanermut piginnaatitaaneranut attuumassuteqartoq.

Kukkunersuineranut Ataatsimiititaliap piginnaatitaanera aamma paasissutissanik atortussanillu pissarsisinnaatitaanera eqqarsaatigalugit nalorngissuteqarnerit suugaluartulluunniit naleqqutinngilluinnarput, nakkutilliisussaatitaaneq ataatsimiititaliap isumagisassarisa taamatullu aamma Inatsisartut Naalakkersuisullu akornanni ingerlalluartumik suleqatigiinnissaq eqqarsaatigalugit. Taamaattumik Inatsisartut Siulittaasoqarfiata tamatumunnga inatsisiliornikkut killiliussat sapinngisamik piaarnerpaamik erseqqissarneqarnissaat pisariaqartissimavaa.

Siunnersuutikkut erseqqissarneqarpoq:

- Kommunit Namminersorlutillu Oqartussat missingersuutaat naatsorsuutaallu pillugit Inatsisartut inatsisaanni § 39, imm. 1 naapertorlugu Nunatta Karsiata naatsorsuutaanik taakkunungalu kukknersiuisup oqaaseqaataanik ataatsimiititaliap ukiumoortumik misissuataarinnittarneranut inatsisit eqqarsaatigalugit isornarsinnaasunik kukknersiuiineq eqqarsaatigalugu kukknersiuisup oqaaseqaatai aamma ilaasut.
- Ataatsimiititaliaq tamatuma saniatigut qaqugukkulluunniit ingerlatsinermik kukknersiuinermik aallartitsiinnarani oqaluuserinniinnarluniluunniit, kisianni aamma inatsisit eqqarsaatigalugit isornarsinnaasunik kukknersiuiilluni misissuinerinik aallartitsillunilu oqaluuserinnissinnaasoq.
- Ataatsimiititaliap kukknersiuisoq Inatsisartut toqqagaat tamatuminnga qinnuiginnikkaluarlugu atortussanik pissarsiniarsinnaatitaanera Nunatta Karsiata naatsorsuutaanik taakkunungalu kukknersiuisup oqaaseqaataanik ataatsimiititaliap ukiumoortumik misissuataarineranut atuuttoq taamatullu aamma ingerlatsinermik kukknersiuiilluni misissuinerit aamma inatsisit eqqarsaatigalugit isornarsinnaasunik kukknersiuiilluni misissuinerit ataatsimiititaliap aallartitai oqaluuserisaaluunniit eqqarsaatigalugit atuulluni.
- Naalakkersuisut ataatsimiititaliap qinnuteqarneratigut pisussaaffeqartut atortussat suogaluartulluunniit ataatsimiititaliap suliassaminik isumaginninneranut pingaarutillit tunniunnissaannut.

## **2. Siunnersuummi immikkoortut pingarnerit**

*2.1. Kukknersiuinermut Ataatsimiititaliap inatsisit eqqarsaatigalugit isornarsinnaasunik kukknersiuiilluni misissuinerinik aallartitsisinnaanerminut oqaluuserinnissinnaanerminullu piginnaatitaanera*

*2.1.1. Inatsiseqartitsinikkut pissutsit atuuttut*

Inatsisartut Naalakkersuisullu pillugit Inatsisartut inatsisaanni § 18, imm. 1, oqaaseqatigiinni siullerni aalajangersarneqarpoq Kukknersiuinermut Ataatsimiititaliap Nunatta Karsiata naatsorsuutai kukknersiuisullu taakkununga oqaaseqaataat ukiumut ataasiarluni misissortassagai, naatsorsuutillu pisariaqalersitaannik Naalakkersuisunut apeqquteqarlunilu oqaaseqarfiginnittassalluni.

Tamatuma saniatigut § 18, imm. 2, oqaaseqatigiinni siullerni aalajangersarneqarpoq ataatsimiititaliap nalilersinnaagaa suliffeqarfiit imm. 1 malillugu kukknersiuinermut

ilaasut aningaasaataasa aqunneqarneranni suliffeqarfiillu ingerlanneqarneranni aningaasanut tunngasut naapertuuttumik isiginiarneqarsimanersut ("Ingerlatsinermik kukkunersiuinermik" taaneqartartoq).

Inatsisartut Naalakkersuisullu pillugit inatsisartut inatsisaat maannamut inatsisit eqqarsaatigalugit isornarsinnaasunik kukkunersiuilluni misissuinerit, tassa iliuutsit naatsorsuutit saqqummiunneqarnerinut ilaatinneqartut aningaasaliissutinut nalunaarutigineqartunut, inatsisinut najoqqutassianullu allanut kiisalu isumaqatigiissutinut isumaqatigiissutigineqarsimasunut nalinginnaasumillu suleriaatsimut naapertuuttuunerinik misissuinerit, Kukkunersiuinermut Ataatsimiititaliap aallartitsisinnaanerit oqaluuserinnissinnaanerit inatsisitigut tunngavissamik erseqqissumik imaqaarsimangilaq. Taamaattorli § 18, imm. 1, oqaaseqatigiinni siullerni erserpoq Nunatta Karsiata naatsorsuutaasa misissuutaarnissaat ataatsimiititaliap suliassarigaa, taamatullu aamma Kommunit Namminersorlutillu Oqartussat missingersuutaat naatsorsuutaallu pillugit Inatsisartut inatsisaanni § 39, imm, 1-ip malitsigalugu Nunatta Karsiata naatsorsuutaasa kukkunersiorneqarnerannut inatsisit eqqarsaatigalugit isornarsinnaasunik kukkunersiuineq ilaammat.

Kukkunersiuinermut Ataatsimiititaliap maannamut sulinermini inatsisit eqqarsaatigalugit isornarsinnaasunik kukkunersiuilluni misissuinerit arlalinnik aallartitsillunilluunniit oqaluuserinnittarsimavoq. Assersuutit taaneqarsinnaapput attartumit piginnittumut aqqissuussinermik misissuineq (2008), GreenGems Aps-ip akuersissummik qinnuteqaataanik Namminersorlutik Oqartussat sularinninnerannik misissuineq (2011), avaleraasartassiissutinik Naalakkersuisut agguaanerannik misissuineq (2015), ilaasunik angallassineq eqqarsaatigalugu kiffartuussinissamik isumaqatigiissuteqarnermut suleriaatsimik misissuineq (2017) aamma nipisattassiissutinik Naalakkersuisut qaffaanerannut atatillugu peqataasinnaanermik misissuineq.

Ingerlatsinermik kukkunersiuilluni misissuinerit aamma inatsisit eqqarsaatigalugit isornarsinnaasunik kukkunersiuilluni misissuinerit Kukkunersiuinermut Ataatsimiititaliamit aallartinneqartut ataatsimut "Ingerlatsinermik kukkunersiuilluni misissuinerit annertusisatut" imaluunniit "Misissuinerit annertunerusutut" taaneqakkajupput.

Kukkunersiuinermut Ataatsimiititaliap aallaavitut misissuinerit taamaattut kukkunersuisoq Inatsisartut toqqagaat aqqutigalugu aallartittarsimavaat. Taamaattorli inatsisit eqqarsaatigalugit isornarsinnaasunik kukkunersiuilluni misissuinerit eqqarsaatigalugit pisuni ataasiakkaani eqqartuussissuserisoq aqqutigalugu misissuinerit aallartitsisarsimapput. Taamaallunni ataatimiititaliap assersuutigalugu 2008-mi najukkami eqqartuussissuserinermik

suliffeqarfik aqutugalugu attartortumit piginnittumut aqqissuussinermik misissuinnermik 2011-imilu GreenGems Aps-ip akuersissummik qinnuteqaataanik (kiisalu Greenland Venture A/S-ip suliffeqarfimmi tassani peqataaneranik) Namminersorlutik Oqartussat suliarinninnerannik misissuinnermik aallartitsisarsimavoq.

Ataatsimiititaliap ulluinnarni sulinerani taamatuttaaqaq naatsorsuutigineqarsimavoq, ataatsimiititaliap nassuiaatit, nalunaarusiat immikkullu ilisimasalinnit naliliinerit il.il. ataatsimiititaliap nammineq kukkunersuiisumut Inatsisartut toqqagaannut immaqaluunniit eqqartuussissuserisumut suliaritissimasai kisiisa tunngavigalugit pissutsinik nalilersuisassanngitsoq. Ataatsimiititaliap taamaalilluni pisuni ataasiakkaani nassuiaatit, nalunaarusiat immikkullu ilisimasalinnit naliliinerit il.il. Naalakkersuisut kukkunersuiisumut Inatsisartut toqqagaannut eqqartuussissuserisumulluunniit suliaritissimasaat tunngavigalugit pissutsinik nalilersuisarsimavoq.

Taamaalilluni Kukkunersuiinnermut Ataatsimiititaliap 2015-imi ukioq taanna avaleraasartassiissutinik Naalakkersuisut agguataarisimanagerat eqqarsaatigalugu inatsisit eqqarsaatigalugit isornarsinnaasunik kukkunersuiilluni misissuinnermik ingerlataqarsimavoq. Kukkunersuiilluni misissuineq Naalakkersuisunit aallartinneqarpoq kukkunersuiisumillu Inatsisartunit toqqarneqartumit ingerlanneqarluni. Ataatsimiititalip taamatuttaaqaq 2020-mi ukioq taanna nipisattassiissutinik Naalakkersuisut qaffaanerannut atatillugu peqataasinnaaneq pillugu immikkut ilisimasalimmit naliliineq oqaluserisimavaat. Immikkut ilisimasallip naliliinera pineqartoq Naalakkersuisut taamaalioqqusineratigut eqqartuussissuserisut suliffeqarfiannit Poul Schmidtimit (naalagaaffiup eqqartuussissuserisuanit) suliarineqarsimavoq.

### *2.1.2. Siulittaasoqarfiup isumaliutai*

Inatsisit eqqarsaatigalugit isornarsinnaasunik kukkunersuiineq, tassa iliuutsit aningaasaliissutinut nalunaarutigineqartunut, inatsisinut najoqqutassianullu allanut kiisalu isumaqatigiissutinut isumaqatigiissutigineqarsimasanut nalinginnaasumillu suleriaatsimut naapertuuttuunerannik naliliineq, Kommunit Namminersorlutillu Oqartussat missingersuutaat naatsorsuutaallu pillugit Inatsisartut inatsisaanni § 39, imm. 1 malillugu Kukkunersuiinnermut Ataatsimiititaliap suliassaanut ilaasoq maannamut naatsorsuutigineqarsimavoq.

Naatsorsuutiginninnerli tamanna maanna apeqquserneqarsorinarpoq. Tamatumani ataatsimiititaliap nalunaarutaa 7. september 2020-meersoq Naalakkersuisullu § 37 malillugu apeqqummut nr. 161/2020 akissutaat ilanngussartalik innersuussutigineqarput.

Siulittaasoqarfik isumaqarpoq inatsisit eqqarsaatigalugit isornarsinnaasunik kukkurersiueq  
Kukkurersiuermut Ataatsimiititaliap suliassaanut suli ilaasariaqartoq.

Inatsisit eqqarsaatigalugit isornarsinnaasunik kukkurersiuerup pingaarnertut siunertaraa:

- malittarisassanik unioqqutitsinerit paasineqartarnissaat pisortallu ingerlatsinerata paasiuminartuunissaanut peqataanissaq
- ingerlatsiviit aalajangiinerisa inatsisinut naapertuunnerannik inuiaqatigiit innuttaasullu ataasiakkaat qularinninnginnerat annertusassallugu
- malittarisassat aalajangersarneqarsimasut eqqortumik aqunneqarnerannik inatsisiliortut oqartussallu ingerlatsiviusut qularinninnginnerat annertusassassallugu
- malittarisassanik unioqqutitsinernik pinngitsoortitseqataasinnaasunik kaammattuuteqartassalluni paasissutissanilluunniit qaqitsisassalluni.

Kommunit Namminersorlutillu Oqartussat missingersuutaat naatsorsuutaallu pillugit Inatsisartut inatsisaanni § 39, imm. 1, oqaaseqatigiit siulliit 1. januar 2018-imi atuutilernerisigut kukkurersiuisoq Inatsisartut toqqagaat pisussaaffilerneqarpoq pisortani kukkurersiuermi ileqqussat pitsaasut, tassa nunat tamalaat akornanni najoqqutassat malillugit kukkurersiuermi najoqqutassat tunngaviusut, naapertorlugit Nunatta Karsiata naatsorsuutaanik kukkurersiuisarnissamik.

Matuma malitsigaa kukkurersiuisup Inatsisartut toqqagaata ukiumoortumik naatsorsuutininik kukkurersiueranut atatillugu kukkurersiuisoq pisussaaffeqarmat qulequttanik toqqakkanik inatsisit eqqarsaatigalugit isornarsinnaasunik kukkurersiuermik ingerlatsinissaminut.

Tamanna aamma Kommunit Namminersorlutillu Oqartussat missingersuutaat naatsorsuutaallu pillugit Inatsisartut inatsisaanni § 39, imm. 1, oqaaseqatigiit aappaata malitsigaa.

Inatsisit eqqarsaatigalugit isornarsinnaasunik kukkurersiueq, aningaasanut tunngasunik kukkurersiueq ingerlatsinermillu kukkurersiueq assigalugit, taamaalilluni kukkurersiuermik suliassap ilagilluinnarpaa, tamannalu Siulittaasoqarfiup isumaa malillugu Kukkurersiuermut Ataatsimiititaliap piginnaatitaanerani ersersinneqartariaqarpoq.

Kukkurersiuermut Ataatsimiititaliaq taamaalillu suli periarfissaqartariaqarpoq misissuinerinik, ingerlatsinermik kukkurersiuerinertut taamatullu aamma inatsisit eqqarsaatigalugit isornarsinnaasunik kukkurersiuerinertut, aallartitsisarnissaminut.

Ataatsimiititaliap missuinerik taamaattunik kukknersiuisoq Inatsisartut toqqagaat aqqutigalugu aallartitsisarnissaa suli aallaaviusariaqarpoq. Inatsisit eqqarsaatigalugit isornarsinnaasunik kukknersiuiilluni misissuinerilli piumasaqaatitaqarsinnaammata inatsisit eqqarsaatigalugit isornarsinnaasunik kukknersiuiinermi inatsisilerinermut tunngasunik immikkut ilisimasaqarnissamik, kukknersiuisumit Inatsisartut toqqagaannit tamatigut pigineqartussatut naatsorsuutigineqarsinnaanngitsumik, Siulittaasoqarfik isumaqarpoq Kukknersiuiinermut Ataatsimiititaliaq periarfissaqartuartaqartoq kukknersiuisup Inatsisartut toqqagaata saniatigut allanik misissuisitsisarsinnaanissaminua.

Siulittaasoqarfik taamatutaaq isumaqarpoq nalunaarusiat il.il. (ataatsimiititaliaanngitsup, kisiannili) Naalakkersuisut kukknersiuisumit Inatsisartunit toqqarneqarsimasumit Naalakkersuisunullu pituttorsimannngitsumit suliaritissimasai tunngavigalugit pissutsinik nalilersuisarnissamat Kukknersiuiinermut Ataatsimiititaliaq suli periarfissaqartuartaqartoq.

Nassuiaatit, nalunaarusiat immikkullu ilisimasalinnit naliliinerit il.il. Naalakkersuisut allanut kukknersiuisumut Inatsisartunit toqqagaanngitsunut suliaritissimasaat tunngavigalugit ataatsimiititaliap pissutsinik nalilersuisinnaajunnaarnissaa Siulittaasoqarfiup taamatutaaq kissaatiginartinnngilaa.

Siulittaasoqarfiup nalunngilluinnarpaa tunngaviusumik eqqarsarnartoqarsinnaammat inatsisartutigoortumik ataatsimiititaliap nakkutilliinissamat akisussaasuusup pissutsinik oqaluuserinninnera, suliamut atatillugu naliliinerit, Naalakkersuisunit kukknersiuisoq Inatsisartut toqqagaat (Naalakkersuisunullu pituttorsimannngitsooq) avaqqullugu pissarsiarineqarsimasut tunngavigalugit pissappat. Tamanna minnerunngitsumik atuuppoq Inatsisartut nalilersuinerit atatillugu suliaassartitanut sunniuteqartinneqarsimannngippatta imalunniit suliami paasissutissat attuumassutillit tamarmik suliamut atatillugu naliliinerit tunngavinnut ilaatinneqarsimanerat qularnaarneqarsimannngippat.

Taamaattorli Siulittaasoqarfik isumaqarpoq nalilinnik asiutitsinermik isiginninnerit oqariartuutigigaat misissuinerit (Nunattalu Karsianit akilerneqarsimasut) pigineqareersut, kukknersiuisorlu Inatsisartut toqqagaat avaqqullugu Naalakkersuisunit pissarsiarineqarsimasut tunngavigalugit pissutsinik oqaluuserinnissinnaanerit Kukknersiuiinermut Ataatsimiititaliaq tamakkiisumik mattutinngikkaat.

Taamaalilluni ataatsimiititaliap nammineq nalilersinnaasariaqarpaa suliamut atatillugu naliliineq Naalakkersuisunit suliaritinneqarsimasoq pissutsinik pineqartunik ataatsimiititaliap suliarinninneranut tunngavissaanersoq naleqquttoq naammattorlu. Taamaattoqannngippat ataatsimiititaliaq nammineq kukknersiuiilluni misissuinerit aallartitsisariaqarpoq.

### *2.2.3. Siunnersuut*

Siunnersuutikkut Kukkuersiuinermut Ataatsimiititaliap qaqugukkulluunniit ingerlatsinermik kukkuersiuilluni misissuineriniinnaanngitsoq, kisiannili aamma inatsisit eqqarsaatigalugit isornarsinnaasunik kukkuersiuilluni misissuinerinik aallartitsillunilu oqaluuserinnissinnaanera erseqqissummik inatsisikkut tunngavissinneqarpoq.

Misissuinerit taamaattut aallartinneqarsinnaassapput tamatuminnga qinnuteqarluni ataatsimiititaliap kukkuersiuusumut Inatsisartut toqqagaannut saaffiginnissuteqarneratigut. Taamaattorli – maannamut suleriaasiusoq naapertorlugu – ataatsimiititaliap allamik aamma periarfissaqarpoq, tassalu eqqartuussissuserisoq inatsisilerinermilluunniit immikkut ilisimasalik alla aqqutigalugu misissuinerinik aallartitsissalluni. Tamanna pingaartumik inatsisit eqqarsaatigalugit isornarsinnaasunik kukkuersiuilluni misissuinerit eqqarsaatigalugit periarfissaasinnaavoq.

Ataatsimiititaliap – maannamut suleriaasiusoq naapertorlugu – taamatuttaaq pissutsit nassuiaatit, nalunaarusiat immikkullu ilisimasalinnit naliliinerit il.il. Naalakkersuisunit assersuutigalugu kukkuersiuusumut Inatsisartut toqqagaannut eqqartuussissuserisumulluunniit suliaritissimasaat tunngavigalugit nalilersorsinnaassavai.

Siunnersuummi taamatuttaaq erseqqissarneqarpoq, ataatsimiititaliap – maannamut suleriaasiusoq naapertorlugu – nassuiaatit, nalunaarusiat immikkullu ilisimasalinnit naliliinerit il.il. ataatsimiititaliap ingerlatsinermik kukkuersiuilluni misissuinerinut imaluunniit inatsisit eqqarsaatigalugit isornarsinnaasunik kukkuersiuilluni misissuinerinut atatillugu suliaritissimasaasa imaluunniit oqaluuserisassatut aalajangiussimasaasa oqaaseqarfiginissaannut Naalakkersuisut periarfississagaat.

Kiisalu siunnersuummi erseqqissarneqarpoq ataatsimiititaliap, ataatsimiititaliap tamanna pisariaqartippagu, ingerlatsinermik kukkuersiuilluni misissuinerit imaluunniit inatsisit eqqarsaatigalugit isornarsinnaasunik kukkuersiuilluni misissuinerit pillugit Inatsisartunut ilisimatitsissuteqarsinnaasut Nunatta Karsiata naatsorsuutai pillugit isumaliutissiissuteqarnissaq utaqqinngikkaluarlugu. Tamanna aamma ullumimut suleriaasiusumut naapertuuppoq.

## *2.2. Kukkuersiuinermut Ataatsimiititaliap Naalakkersuisunit paasissutissanik atortussanillu pissarsiniarsinnaatitaanera*

### *2.2.1. Inatsiseqartitsinikkut pissutsit atuuttut*

---

UKA 2021/ 27

Suliaq nr.: 01.25.01/21EM-LABU-00027

Inatsisartut Naalackersuisullu pillugit Inatsisartut inatsisaanni § 18, imm. 1, oqaaseqatigiinni siullerni aalajangersarneqarpoq Kukkunersiuinermut Ataatsimiititaliap suliaminut atugassatut atortussat pisariaqartut, naatsorsuutininut uppersaatait, nalunaarusiat il.il. oqartussamit naatsorsuuserisumit piniarsinnaagai.

Ataatsimiititaliap sulinera eqqarsaatigalugu Inatsisartut inatsisaanni tassani § 18, imm. 1, oqaaseqatigiinni siullerni aalajangersarneqarpoq ataatsimiititaliap nunatta karsiata naatsorsuutai kukkunersuisullu taakkununga oqaaseqaataat ukiumut ataasiarluni misissortassagai, naatsorsuutillu pisariaqalersitaannik Naalackersuisunut apeqquteqarlunilu oqaaseqarfiginnittassalluni. Tamatuma saniatigut § 18, imm. 2, oqaaseqatigiinni siullerni aalajangersarneqarpoq ataatsimiititaliap nalilersinnaagaa suliffeqarfiit imm. 1 malillugu kukkunersiuinermut ilaasut aningaasaataasa aqunneqarneranni suliffeqarfiillu ingerlanneqarneranni aningaasanut tunngasut naapertuuttumik isiginiarneqarsimanersut.

Ataatsimiititaliap atortussanik pissarsiniarsinnaanera pillugu Inatsisartut Naalackersuisullu pillugit Inatsisartut inatsisaanni § 18, imm. 3, oqaaseqatigiit siulliit Kommunit Namminersorlutillu Oqartussat missingersuutaat naatsorsuutaallu pillugit Inatsisartut inatsisaanni § 40-mik tapertaqartinneqarput, Inatsisartut inatsisaanni tassani § 39-mut sanilliullugit.

Kommunit Namminersorlutillu Oqartussat missingersuutaat naatsorsuutaallu pillugit Inatsisartut inatsisaanni § 40-mi aalajangersarneqarpoq Naalackersuisut paasissutissanik suqaluartunik naatsorsuutit naliliiffiginissaannut pisariaqartinneqartunik kukkunersuisunut nalunaaruteqartassasut.

Inatsisartut inatsisaanni aamma tassani § 39, imm. 1-imi aalajangersarneqarpoq Nunatta Karsiata naatsorsuutai pisortani kukkunersiuinermi ileqqussat pitsaasut naapertorlugit kukkunersuisup kukkunersiortassagai, tamatumunngalu ilanngullugu Nunatta Karsiata naatsorsuusiortermini atortui isornartorsuisumik misissortassallugit. Kukkunersuisup ilaatigut naatsorsuutit eqqortuunersut misissortassavai, taamatullu aamma pissutsit naatsorsuutininut saqqummiussinermi pineqartut aningaasaliissutinut, inatsisinut najoqqutassanullu allanut kiisalu isumaqatigiissutigisanut aamma suleriaatsinut nalinginnaasunut naapertuunnersut misissortassallugit.

Kiisalu Kommunit Namminersorlutillu Oqartussat missingersuutaat naatsorsuutaallu pillugit Inatsisartut inatsisaanni § 38, imm. 2-mi aalajangersarneqarpoq kukkunersuisoq Inatsisartut kukkunersiuinermut tunngatillugu piunasaqaataanik malinnissasoq, piunasaqaatit inatsimmut aamma pisortani kukkunersiuinermi ileqqussanut pitsaasunut akerliunngippata.



Kukkunersiuinermut Ataatsimiititaliaq taamaalilluni aamma periarfissaqarpoq kukkunersuiisoq Inatsisartut toqqagaat aqcutigalugu ”paasissutissanik suugaluartunik naatsorsuutit naliliiffiginissaannut pisariaqartinneqartunik” pissarsiniarnissaminut, iliutsit naatsorsuutit saqqummiussinermut ilaatinneqartut aningaasaliissuteqarnermi tunngavigineqartunut, inatsisinut peqqussutinullu allanut il.il. naapertuunnerannik misiliineq ilanngullugu.

Kukkunersuiisoq Inatsisartut toqqagaat aalajangersakat taakku inatsisitigut tunngavigalugit ingerlatsinermik kukkunersuiilluni misissuineranut aamma inatsisit eqqarsaatigalugit isornarsinnaasunik kukkunersuiilluni misissuineranut ataatsimiititaliaq suliniuteqarneratigut aallartinneqartunut, inatsisit eqqarsaatigalugit isornarsinnaasunik kukkunersuiilluni misissuinerit eqqarsaatigalugit kingullermik 2017-imi (Ilaasunik angallassineq eqqarsaatigalugu kiffartuussinissamik isumaqatigiissuteqarnermut suleriaaseq), atatillugu Naalackersuisunit atortussanik pissarsiniartarpoq.

Maannamut naatsorsuutigineqarsimavoq Kukkunersiuinermut Ataatsimiititaliaq Inatsisartut Naalackersuisullu pillugit Inatsisartut inatsisaanni § 18, imm. 3, oqaaseqatigiit siulliit inatsisitigut tunngavigalugit aamma kukkunersuiisumit Inatsisartut toqqagaannit ikiorneqaratik atortussanik ingerlatsinermik kukkunersuiilluni misissuinerit aamma inatsisit eqqarsaatigalugit isornarsinnaasunik kukkunersuiilluni misissuinerit atugassanik Naalackersuisunit pissarsiniarsinnaatitaasoq.

Aalajangersagaq kukkunersuiilluni misissuinerit aallartitsinissaq pissutissaqarneris imaluunniit misissuineq Naalackersuisunit aallartinneqarsimavoq pissutsinik pineqartunik ataatsimiititaliaq oqaluuserinninneranut tunngavigissallugu naleqqunnersoq naammannersorluunniit paasiniarlugu suliaq aallartisarneqarnerani pingaartumik namminerisaminik isumaqarsimavoq.

Tamatunngala ilanngullugu aalajangersagaq namminerisaminik isumaqarsimavoq ataatsimiititaliaq inatsisit eqqarsaatigalugit isornarsinnaasunik kukkunersuiilluni misissuinerit allanut kukkunersuiisumit Inatsisartut toqqagaannuunngitsoq ingerlatassanngortitsisimatillugu, soorlu tamanna ass. 2008-mi (Attartortumit piginnittumut aqqissuussineq) 2011-milu (GreenGems Aps-ip akuersissummik qinnuteqaataanik Namminersorlutik Oqartussat suliarinninnerannik misissuineq) pisimasoq.

Taamaattorli aamma naatsorsuutigineqarsimavoq aalajangersagaq atorneqarsinnaasoq kukkunersuiilluni misissuinerit atatillugu ataatsimiititaliaq paasissutissanik

atortussanilluunniit ilassutaanik pissarsinissani kissaatigippagu, soorlu aamma Nunatta Karsiata naatsorsuutaasa ataatsimiititaliami oqaluuserineqarnerinut atatillugu aalajangersagaq atorpeqarsinnaasoq.

Taamaalilluni ataatsimiititaliaq ass. 2015-imi avaleraasartassiissutit agguataarneqarnerannik inatsisit eqqarsaatigalugit isornarsinnaasunik kukkunersemiilluni misissuineramik, ukioq taanna Naalackersuisunit kukkunersemiisumut Inatsisartut toqqagaannut suliaritinneqartumik, ataatsimiititaliap oqaluuserinninneranut atatillugu Naalackersuisunit atortussanik ilassutaasunik pissarsiniarsimavoq.

Nunatta Karsiata naatsorsuutaasa ataatsimiititaliami oqaluuserineqarnerinut atatillugu aamma ataatsimiititaliaq pisuni arlalinni atortussanik Naalackersuisunit pissarsiniartarsimavoq, taamaalilluni ass. 2012-imi (Napparsimasut angalanerinut aningaasartuutunik nalilersuilluni misissueqqissaarneq), 2015-imi (Aviisinut nuna tamakkerlugu saqqummersartunut tapiissutinik tunniussinnginnissamik Naalackersuisut aalajangernerata inatsisinut naapertuunneranik namminerisamik inatsisilerinikkut naliliineq) 2019-imilu (Pissutsinik sillimmasiisarnernut tunngasunik nalilersuilluni misissueqqissaarneq).

#### *2.2.2. Siulittaasoqarfiup isumaliutai*

Maannamut naatsorsuutigineqarsimavoq Kommunit Namminersorlutillu Oqartussat missingersuutaat naatsorsuutaallu pillugit Inatsisartut inatsisaanni § 39, imm. 1 malillugu inatsisit eqqarsaatigalugit isornarsinnaasunik kukkunersemiineq Kukkunersemiinermut Ataatsimiititaliap suliassaasa ilagigaat, taamaattumillu aamma Inatsisartut Naalackersuisullu pillugit Inatsisartut inatsisaanni § 18, imm. 3, oqaaseqatigiit siulliit ataatsimiititaliamik periarfissiisut kukkunersemiisumit Inatsisartut toqqagaannit ikiorneqaratik inatsisit eqqarsaatigalugit isornarsinnaasunik kukkunersemiinermi atugassanik Naalackersuisunit atortussanik pissarsiniarsinnaanermut.

Naatsorsuutiginninnerli tamanna maanna apeqquserneqarsorinarpoq. Tamatumani ataatsimiititaliap nalunaarutaa 7. september 2020-meersoq Naalackersuisullu § 37 malillugu apeqqummut nr. 161/2020 akissutaat ilanngussartalik innersuussutigineqarput.

Siulittaasoqarfik isumaqarpoq Kukkunersemiinermut Ataatsimiititaliaq nakkutilliinermik suliaq ataatsimiititaliap isumagisaa eqqarsaatigalugu atortussanik suugaluartulluunniit Nunatta Karsiata naatsorsuutaasa kukkunersemiorneqarnerannut pingaarutilinnik pissarsinnaajuartariaqartoq, aningaasanut tunngasunik kukkunersemiineq, ingerlatsinermik

kukkunersiuineq imaluunniit inatsisit eqqarsaatigalugit isornarsinnaasunik kukkunersiuineq pineqarnersooq apeqqutaatinnagit.

Siulittaasoqarfik aamma isumaqarpoq Kukkunersiuinermut Ataatsimiititaliaq atortussanik taamaattunik suugaluartunilluunniit pissarsiniarsinnaajuannartariaqartoq, kukkunersiuisoq Inatsisartut toqqagaat aqqutiginnikkaluarlugu.

Kukkunersiuisumit Inatsisartut toqqagaannit ikiorneqarani ataatsimiititaliap atortussanik pissarsiniarsinnaanera pingaartumik pingaaruteqarsinnaavoq kukkunersiuilluni misissuinerimik aallartitsinissaq pissutissaqarnersooq imaluunniit misissuineq Naalackersuisunit aallartinneqarsimasooq pissutsinik pineqartunik ataatsimiititaliap oqaluuserinninneranut tunngavigissallugu naleqqunnersooq naammannersorluunniit paasiniarlugu suliap aallartisarneqarnerani.

### *2.2.3. Siunnersuut*

Siunnersuutikkut Naalackersuisut erseqqilluinnartumik pisussaaffilerneqarput Kukkunersiuinermut Ataatsimiititaliap qinnuteqarneratigut paasissutissat atortussallu, ataatsimiititaliap suliassamik ataatsimiititaliap isumaginninneranut pingaarutillit, suugaluartulluunniit ataatsimiititaliamut nalunaarutigisassallugit tunniuttassallugullu, Nunatta Karsiata naatsorsuutaasa ataatsimiititaliamit misissuataarneqarnerannut atatillugu, taamatullu aamma ingerlatsinermik kukkunersiuilluni misissuinerit aamma inatsisit eqqarsaatigalugit isornarsinnaasunik kukkunersiuilluni misissuinerit, ataatsimiititaliap aallartinniarlugit oqaluuseriniarlugilluunniit isumaliutigisai aallartitaaluunniit eqqarsaatigalugit.

### **3. Pisortanut aningaasatigut allaffissornikkullu kingunerisassai**

Siunnersuut inatsiseqartitsinikkut inissisimaneruo atuutereersup erseqqissarneqarneranik taamaallaat kinguneqassaaq, taamaalilluni pisortanut aningaasatigut allaffissornikkulluunniit kinguneqassanani.

Kukkunersiuinermut Ataatsimiititaliaq aningaasaliissutinut killiliussat Inatsisartut Siulittaasoqarfiannit aalajangersarneqartut iluanni imaluunniit erseqqinnerusumik immikkut Inatsisartut Siulittaasoqarfiannit akuerineqarluni misissuinerit, tassunga ilanngullugu ingerlatsinermik kukkunersiuinerit aamma inatsisit eqqarsaatigalugit isornarsinnaasunik kukkunersiuinerit, aningaasartuuteqarsinnaajuassaaq.

### **4. Inuussutissarsiornermut aningaasatigut allaffissornikkullu kingunerisassai**

Siunnersuut inuussutissarsiornermut kinguneqassannngilaq.

**5. Avatangiisinut, pinngortitamut innuttaasullu peqqissusiannut kingunerisassai**  
Siunnersuut avatangiisinut, pinngortitamut innuttaasulluunniit peqqissusiannut kinguneqassanngilaq.

**6. Innuttaasunut kingunerisassai**  
Siunnersuut innuttaasunut aningaasatigut allaffissornikkulluunniit kinguneqassanngilaq.

**7. Kingunerisassat pingaarutillit allat**  
Siunnersuut pingaarutillinik allanik kinguneqassanngilaq.

**8. Oqartussanik suliniaqatigiiffinnillu il.il. tusarniaaneq**  
Siunnersuut piffissami 3. - 17. november 2020-mut Naalakkersuisut Siulittaasuata Naalakkersuisoqarfianut, Aningaasaqarnermut Naalakkersuisoqarfimmut, Qitiusumik Naatsorsuuserisoqarfimmut DcR-imut kiisalu Deloittemut tusarniaatigineqarsimavoq.

Tusarniarneqartut akissuteqarnissamut piffissarititap sivitsorneqarnissaanik isumaqatigiissuteqarnissaminnut periarfissinneqarsimapput. Tamanna pisariaqartinneqarsimannngilaq.

Siunnersuut tamanut tusarniaatigineqarsimannngilaq, aallaavittut innuttaasut inatsiseqartitsinikkut inissisimanerannut sunniuteqartussaannngimmat, taamaallaallu Inatsisartut Naalakkersuisullu akornanni suleqatigiinnermut, kiisalu susasaqartunut taakkununga marlunnut suliassarititaasunut atugassarititaasunullu, tunngammat.

Siulittaasup Naalakkersuisoqarfianit, Aningaasaqarnermut Naalakkersuisoqarfimmit kiisalu DcR-imit akissutinik tigusaqartoqarpoq. Tusarniarneqartut taakku taakku arlaannaalluunniit inatsisissatut siunnersuummut oqaaseqaatissaqarsimannngillat.

### **Siunnersummi aalajangersakkanut ataasiakkaanut nassuiaatit**

#### *§ 1-imut*

Nr. 1-imut

Aalajangersakkami Kukkunersiuinermit Ataatsimiititaliap suliassai piginnaatitaanerilu malittarisassaqartinneqarput (Inatsisartut inatsisaanni atuuttumi § 19 peqatigalugu).

---

UKA 2021/ 27

Suliaq nr.: 01.25.01/21EM-LABU-00027

(§ 18, imm. 1-imut)

Aalajangersakkami Nunatta Karsiata naatsorsuutaanik taakkunungalu kukknersiuisup oqaaseqaataanik Kukknersiuinermut ataatsimiititaliap ukiumoortumik misissuataarisarnera pineqarpoq.

Aalajangersakkami oqaaseqatigiinni siullerni aalajangersarneqarpoq Kukknersiuinermut Ataatsimiititaliap nunatta karsiata naatsorsuutai kukknersiuisullu taakkununga oqaaseqaataat ukiumut ataasiarluni misissortassagai, naatsorsuutillu pisariaqalersitaannik Naalakkersuisunut apeqquteqarlunilu oqaaseqarfiginnittassalluni.

§ 18, imm. 1, oqaaseqatigiit siulliit ingerlateqqinneqarneranut pineqarpoq, taamaallaat uku allannguutigalugit:

Inatsisartut inatsisaanni ataatsimiititaliamut taaguutip maannamut atorneqartup ("Nunap karsiata Naatsorsuutaasa Kukknersiorneqartarnerannut Ataatsimiititaliap") "Kukknersiuinermut Ataatsimiititaliap"-mut allanngortinneqarnissaa siunnersuutigineqarpoq, ulluinnarnimi ataatsimiititaliap taamatut taaneqartarmat, taamatullu aamma Inatsisartut Suleriaasianni taaguutit atorneqarluni.

Inatsisartut kukknersiuisuata oqaaseqaataasa ataatsimiititaliap Naalakkersuisunut apeqqutaanut oqaaseqaataanullu tunngaviusunut (erseqqissumik) ilanngunneqarnissaat siunnersuutigineqarpoq.

Aalajangersakkap siunnersuutigineqartup ilusilerneqarneranut tunngaviusoq Kommunit Namminersorlutillu Oqartussat missingersuutaat naatsorsuutaallu pillugit Inatsisartut inatsisaanni § 39-ip 1. januar 2018-imi atuutilerneratigut kukknersiuisoq Inatsisartut toqqagaat pisussaaffilerneqarmat pisortani kukknersiuinermi ileqqussat pitsaasut naapertorlugit Nunatta Karsiata naatsorsuutaanik kukknersiuisarnissamik.

Tamatuma malitsigaa kukknersiuisup Inatsisartut toqqagaata ukiumoortumik naatsorsuutinin kukknersiuiuneranut atatillugu kukknersiuisup akisussaaffigimmagu qulequttanik toqqakkanik *inatsisit eqqarsaatigalugit isornarsinnaasunik kukknersiuiinermik* (tassani pineqarluni iliuitsit naatsorsuutit saqqummiunneqarnerinut ilaatinneqartut aningaasaliissutinut nalunaarutigineqartunut, inatsisinut najoqqutassianullu allanut kiisalu isumaqatigiissutinut isumaqatigiissutigineqarsimasunut nalinginnaasumillu suleriaatsimut naapertuunnerannik nalilinneq) aamma *ingerlatsinermik kukknersiuiineq* (tassani pineqarluni aningaasaliissutit aqunneqarneranni suliffeqarfyllu naatsorsuutinut ilaatinneqartut ingerlanneqarneranni naapertuuttumik aningaasaqarniarnikkut isiginiagassat isigineqarneqarsimanerannik naliliineq, tassunga ilanngullugu atuilluarsinnaassuseq,

---

UKA 2021/ 27

Suliaq nr.: 01.25.01/21EM-LABU-00027

naammassisaqarsinnaassuseq angusaqarsinnaassuseqarnerlu siuarsarniarlugit iliuusaasinnaasunik tulluurtunillu iliuuseqartoqarsimanersoq naliliineq) ingerlatsinissaq. Kukkunersuiisup suliat ingerlanneqartut tunngavigalugit inerniliuppagu pingaarutilinnik isornartunik oqaaseqaateqarnissamut pissutissaqartoq, kukkunersuiisup tamanna naatsorsuutit eqqortumik takutitsinnerannik nalunaarummini nalunaarutigissavaa.

Ilanngullugu Kommunit Namminersorlutillu Oqartussat missingersuutaat naatsorsuutaallu pillugit Inatsisartut inatsisaanni § 39-mi – pissutsinut kukkunersuiinermi misissorneqartussanut assersuutit – aalajangersarneqarpoq kukkunersuiisut ”*pissutsit naatsorsuutininik saqqummiussinermi pineqartut aningaasaliissutinut, inatsisinut najoqqutassanullu allanut kiisalu isumaqatigiissutigisanut aamma suleriaatsinut nalinginnaasunut naapertuunnersut*” misissortassagaat. Aalajangersakkap ilaa taanna Namminersorerullutik Oqartussat naatsorsuuseriveqarnerat il. il. pillugit Inatsisartut inatsisaanni nr. 23-mi, 3. november 1994-imeersumi § 5, imm 2-mit allanngortinnagu ingerlateqqitaavoq.

Aalajangersakkakut siunnersuutigineqartukkat taamaalilluni siunertarineqarpoq ataatsimiititaliap Nunatta Karsiata naatsorsuutaanik ukiumoortumik misissuataarinninnera naliliineralu tassaannaangitsoq aningaasanut tunngasunik kukkunersuiineq, kisiannili aamma – kukkunersuiisooq taakkununga oqaaseqaateqarsimapput – ingerlatsinermik kukkunersuiineq aamma inatsisit eqqarsaatigalugit isornarsinnaasunik kukkunersuiineq ilaasut.

Aalajangersakkami oqaaseqatigiit aappaanni ataatsimiititaliap apeqquai oqaaseqaataalu Naalackersuisut akissutaat ilanngullugit Inatsisartunut saqqummiunneqartassasut aalajangersarneqarpoq. § 18, imm. 1, oqaaseqatigiit aappaata atuuttup imarisamigut allanngortinnagu ingerlateqqinneqarnera pineqarpoq.

Inatsisartunut saqqummiussineq ukiumut pineqartumut Nunatta Karsiata naatsorsuutaasa akuerineqarnissaannik Inatsisartut aalajangiiffigisassaattut siunnersuummut ataatsimiititaliap isumaliutissiissuteqarneratigut pisarpoq.

(§ 18, imm. 2-mut)

Aalajangersakkakut aalajangersarneqarpoq Kukkunersuiinermut Ataatsimiititaliaq qaqugukkulluunniit misissuinernik nr. 1-imi 2-milu taaneqartunik (ingerlatsinermik kukkunersuiilluni misissuinermik, taamatullu aamma inatsisit eqqarsaatigalugit isornarsinnaasunik kukkunersuiilluni misissuinermik) aallartitsillutilluunniit oqaluuserinnissinnaasut. Oqaasertaliinikkut siunnersuutigineqartukkat misissuinerit ukiumi naatsorsuuteqarfiusumi ingerlasumi (naammassineqanngitsumi), taamatullu aamma siuliini

(naammassineqarsuni) pissutsinut tunngasinnaanerisa erseqqissarneqarnissaat siunertarineqarpoq. Ass. 2001-imi pissutsinik misissuineq taamaalilluni 2001-imi ingerlanneqarsinnaavoq, 2001-imumullu Nunatta Karsiata naatsorsuutaanik ataatsimiititaliap oqaluuserinninnissaa utaqqineqartariaqarani.

Tamanna maannamut suleriaasiusumut naapertuuppoq.

Misissuinerit ataatsimiititaliap qaqugukkulluunniit aallartissinnaasai oqaluuserisinnaasaaluunniit siullermik tassaapput aningaasat naatsorsutinut ilaasat nakkutigineqarnerani suliffeqarfii illu naatsorsuutinut ilaasut ingerlanneqarneranni aningaasatigut isiginiagassat naapertuuttumik isiginiarneqarsimanersut misissorneqarneri ("Ingerlatsinermik kukkunersiuineq"). Aalajangersakkap ilaa taanna (imm. 2, nr. 1) § 18, imm. 2, oqaaseqatigiinnut siullernut atuuttunut naapertuuppoq.

"Aningaasanut tunngasutigut isiginiagassat naapertuuttumik isiginiarneqarsimanerat" isumaqarpoq atuilluarsinnaassuseq, naammassisaqarsinnaassuseq angusaqarsinnaassuseqarnerlu siuarsarniarlugit iliuusaasinnaasunik tulluurtunillu iliuuseqartoqarsimasoq.

Misissuinerit ataatsimiititaliap qaqugukkulluunniit aallartissinnaasai oqaluuserisinnaasaaluunniit aappaattut (imm. 2, nr. 2 naapertorlugu) tassaapput, iliuutsit naatsorsuutit saqqummiunneqarnerinut ilaatinneqartut aningaasaliissutinut nalunaarutigineqartunut, inatsisinut najoqqutassianullu allanut kiisalu isumaqatigiissutinut isumaqatigiissutigineqarsimasunut nalinginnaasumillu suleriaatsimut naapertuunnerinik misissuinerit (Inatsisit eqqarsaatigalugit isornarsinnaasunik kukkunersiuineq).

"Iliuutsit"-nik oqarnermi pineqarput ingerlatsinermi aalajangiinerit, isumaqatigiissuteqarnerit alloriarnerillu allat piumasaqaatinik pisinnaatitaaffinnilluunniit pilersoaqarneranik malitsillit.

Pisortani susassaqtut ataasiakkaat iliuuseqarneri tamatigut (ilaatigulli tamanna pisariaqartarani) aningaasaliissuteqartoqarsimanissaanik piumasaqaatitaqarput. Ingerlatsinermi aalajangiinertut iliuuseqarnerit taamatuttaaq inatsisiliornerni tunngaveqartussaapput, tamatumalu saniatigut nalinginnaasumik malittarisassat pisortat ingerlatsinerannut atuuttut naapertorlugit ingerlanneqarsimasussaallutik.

Iliuutsip naatsorsuutit saqqummiunneqarneranut ilaatinneqarnissaata malitsigaa piumasarineqarmat iliuutsip isertitanut aningaasartuutinulluunniit sunniuteqarsimanissaa

imalunniit ingerlatamut aningaasaliiffigineqarsimasumut (ass. suliassaqarfiup, assersuutigalugu avatangiisinut tunngasut, ingerlanneqarnerata) ersersitsisuunissaa.

Malittarisassanik unioqqutitsinerit inatsisit eqqarsaatigalugit isornarsinnaasunik kukkunersuinerimut atatillugu paasineqartut, ukiumi naatsorsuutini paasissutissat eqqortuunerannut pinngitsooratik pingaaruteqartariaqanngillar.

Ingerlatsinermik kukkunersuilluni misissuinerit aamma inatsisit eqqarsaatigalugit isornarsinnaasunik kukkunersuilluni misissuinerit Kukkunersuinerimut Ataatsimiititaliamit aallartinneqartut ataatsimut ”Ingerlatsinermik kukkunersuilluni misissuinerik annertusisatut” imaluunniit ”Misissuinerit annertunerusutut” taaneqakkajupput.

Kukkunersuinerimut Ataatsimiititaliap nalinginnaasumik misissuinerit taamaattut kukkunersuuisoq Inatsisartut toqqagaat aqcutigalugu aallartittaraluarpaat. Pingaartumilli inatsisit eqqarsaatigalugit isornarsinnaasunik kukkunersuilluni misissuinerit eqqarsaatigalugit periarfissatut allatut pisuni ataasiakkaani eqqartuussissuserisoq allatulluunniit inatsilerinermik immikkut ilisimasalik aqcutigalugu misissuinerik aallartitsisoqarsinnaavoq.

Oqaasertaliussassatut siunnersuutigineqartup ”aallartitsisinnaavoq *oqaluuserinnissinnaalluniluunniit*” siunertaraa nassuiaatit, nalunaarutit immikkullu ilisimasalinnit naliliinerit il.il. ataatsimiititaliap nammineq kukkunersuuisumut Inatsisartut toqqagaannut imaluunniit ass. eqqartuussissuserisumut suliaritissimasai kisiisa tunngavigalugit pissutsinik nalilersuisussaanginnerata erseqqissarneqarnissaa. Ataatsimiititaliap taamaalilluni aamma nassuiaatit, nalunaarutit immikkullu ilisimasalinnit naliliinerit il.il. *Naalakkersuisut* ass. kukkunersuuisumut Inatsisartut toqqagaannut eqqartuussissuserisumulluunniit suliaritissimasaat tunngavigalugit pissutsit nalilersorniarlugit oqaluuserisinnaavaat.

Ataatsimiititaliap nammineq naliligassarissavaa misissuineq il.il. Naalakkersuisut suliniuteqarneratigut aallartinneqarsimasoq pissutsimik ataatsimiititaliap naliliinissaanut tunngavissaanersoq naleqquttoq naammattorlu. Pingaartumik misissuisitsineq taamaattoq kukkunersuuisumit Inatsisartut toqqagaannit ingerlanneqarsimatinnagu, ataatsimiititaliap tamatumunnga naliliinera ilaatigut tunngaqartussaavoq misissuinerimik suliarititaasut sukumiinerusumik ilusilersorneqarsimanerannik, taamatullu aamma paasissutissanik Naalakkersuisut misissuinerimut atugassiissutigisimasaannik.



Ataatsimiititaliaq isumaqarpat misissuineq il.il. Naalakkersuisut suliniuteqarneratigut aallartinneqarsimasoq pissutsinik pineqartunik ataatsimiititaliap naliliinissaanut tunngavissatut naleqqunnanilu amigartoq, taava ataatsimiititaliaq nammineq misissuinermik aallartitsisinnaassaaq.

(§ 18, imm. 3)

Aalajangersakkami aalajangersarneqarpoq ataatsimiititaliap sapinngisamik piaarnerpaamik Naalakkersuisut periarfississagaat nassuiaatit, nalunaarusiat immikkullu ilisimasalinnit naliliinerit il.il. ataatsimiititaliap imm. 2 malillugu pissarsiarisimasaasa oqaluuseriniarlugilluunniit aalajangersimasaasa oqaaseqarfiginissaannut.

Aalajangersakkakut § 18, imm. 2, oqaaseqatigiit aappaat allanngortinnagu ingerlatiinnarneqarpoq.

Aalajangersakkami nutaatut erseqqissarneqarpoq Naalakkersuisut periarfissinneqassasut nassuiaatit, nalunaarusiat immikkullu ilisimasalinnit naliliinerit il.il. pineqartut *oqaaseqarfiginissaannut*. Tamanna maannamut suleriaasiusumut naapertuuppoq.

Ataatsimiititaliaq Naalakkersuisut oqaaseqaateqarnissaannut piffissaliisinnaavoq. Taamaattoqassappat naapertuuttumik piffissaliisoqartariaqarpoq Naalakkersuisut kukkunerusunnaasut paatsuinerusunnaasullu uparuarneqarnissaannut imaluunniit naliliinerit, kaammattuutit inerniliinerillu isummerfiginissaat siunertaralugu nassuiaatip nalunaarutilluunniit pineqartup misissuataarneqarnissaanut pisariaqartumik piffissalerlugit.

§ 18, imm. 2, oqaaseqatigiit aappaanni atuuttumi aalajangersarneqarpoq nassuiaatit, nalunaarusiat il.il. pineqartut *tiguneqarnermik kinguninngua Naalakkersuisunut nassiunneqassasut*. Taamatut oqaasertaliisimanermi eqqarsaatigineqarsimangilaq ataatsimiititaliap aalajangersinnaammagu nassuiaat nalunaarusiarluunniit Naalakkersuisut namminneq suliaritissimasaat taamalu namminneq pigeriigaat oqaluuseriniarlugu.

§ 18, imm. 3-p oqaasertalernerneqarnissaanut siunnersuummi nassuiaatit nalunaarusiallu taamaattut aamma oqaaseqarfiginissaannut Naalakkersuisut periarfissinneqarnissaat isiginiarneqarsimavoq.

”Sapinngisamik piaarnerpaamik” oqaasertaliineq toqqarneqarsimavoq nassuiaatit nalunaarusialluunniit Naalakkersuisunit suliaritinneqarsimasut eqqarsaatigalugu ataatsimiititaliaq pisariaqartumik piffissaqartariaqarmat paasiniassallugu aalajangissallugu, nassuiaat nalunaarulluunniit pissutsinik pineqartumik ataatsimiititaliap oqaluuserinninneranut

tunngavissaanersut naleqquttut naammattullu, imaluunniit ataatsimiititaliaq periarfissatut allatut misissuineramik nammineq aallartitsissanersoq.

Pineqartumi kingullermi nassuiaammut nalunaarsiamulluunniit Naalakkersuisut suliaritissimasaannut Naalakkersuisut oqaaseqaataannik pissarsiniarnissaq pisariaqartussaangilaq, taamattoqarpammi taanna pissutsinik pineqartunik ataatsimiititaliap oqaluuserinninneranut tunngaviusussaangimmat.

(§ 18, imm. 4-mut)

Aalajangersakkami aalajangersarneqarpoq ataatsimiititaliaq, ataatsimiititaliap tamanna pisariaqartippagu, Nunatta Karsiata naatsorsuutai pillugit isumaliutissiissuteqarnissaq utaqqinngikkaluarlugu ingerlatsinermik misissuineq imm. 2-mut ilaatinneqartoq pillugu Inatsisartunut ilisimatitsissuteqarsinnaasoq.

Aalajangersagaq nutaajuvoq maannakkumulli suleriaatsimut naapertuulluni. Kukkuersiuinermut Ataatsimiititaliap taamaalilluni ass. 2015-imi avaleraasartoortassiissutit pillugit inatsisit eqqarsaatigalugit isornarsinnaasunik kukkuersiuillu misissuineramik ataatsimiititaliap oqaluuserinninnera, aamma 2020-mi nipisattassiissutinik Naalakkersuisut qaffaanerannut atatillugu peqataasinnaaneq pillugu eqqartuussissuserisup misissuisimaneranik ataatsimiititaliap oqaluuserinninnera pillugit Inatsisartut immikkut ilisimatinneqarsimapput.

Akuttunngisumik pissutsit imaassinnaapput naalakkersuinikkut isiginiagassat, taamatullu aamma Naalakkersuisunut ilaasortap akisussaasup isiginiarneqarnissaa, eqqarsaatigalugit pitsaanerusoq Nunatta Karsiata naatsorsuutai pillugit isumaliutissiissuteqarnissaq utaqqinngikkarlugu ataatsimiititaliaq Inatsisartunut ilisimatitsissuteqarpat.

Ataatsimiititaliaq tamanna pisariaqalerpat qanoq ilusilerlugit Inatsisartunut ilisimatitsissuteqassanersoq aalajangersakkami malittarisassaqaartinneqanngilaq. Ilisimatitsissuteqarneq taamaalilluni assersuutigalugu nalunaaruteqarnikkut pisinnaavoq, kisianni aamma assersuutigalugu ilisimatitsissuteqasrluni allakkiastut pisinnaalluni.

(§ 18, imm. 5-imut)

Aalajangersakkami aalajangersarneqarpoq ataatsimiititaliap qinnuteqarneratigut paasissutissat aamma allakkatigut qarasaasiatigullu atortussat sugaluartulluunniit imm. 1-2 tunngavigalugit ataatsimiititaliap suliassaanik ataatsimiititaliap isumaginninneranut pingaarutillit Naalakkersuisut nalunaarutigisassagaat tunniuttassallugillu.

Aalajangersakkap § 18, imm. 3, oqaaseqatigiit siulliit atuuttut taarserpai. Tassani aalajangersarneqarpoq ataatsimiititaliap suliaminut atugassatut atortussat pisariaqartut, naatsorsuutininut uppersaait, nalunaarusiat il.il. oqartussamit naatsorsuuserisumit piniarsinnaagai.

Oqaasertaliinikkut siunnersuutigineqartukut siunertarineqarpoq ataatsimiititaliap paasissutissanik atortussanillu piumasaqarsinnaanerata taamaallaat aningaasaut tunngasunik kukknersiunermit tunngaannarani, kisialli aamma ingerlatsinermit kukknersiunermit aamma inatsisit eqqarsaatigalugit isornarsinnaasunik kukknersiunermit atatillugu tunnganerata erseqqissarneqarnissaa.

Aalajangersagaq Kommunit Namminersorlutillu Oqartussat missingersuutaat naatsorsuutaallu pillugit Inatsisartut inatsisaanni § 40-mik tapertaqartinneqarpoq, Inatsisartut inatsisaanni aamma tassani § 39-mut sanilliullugu.

§ 40 i Kommunit Namminersorlutillu Oqartussat missingersuutaat naatsorsuutaallu pillugit Inatsisartut inatsisaanni § 40-mi aalajangersarneqarpoq Naalakkersuisut paasissutissanik suugaluartunik naatsorsuutit naliliiffiginissaannut pisariaqartinneqartunik kukknersiuisunut nalunaaruteqartassasut.

Inatsisartut inatsisaanni tassani § 39, imm. 1-imi aalajangersarneqarpoq Nunatta Karsiata naatsorsuutai pisortani *kukknersiunermit ileqqussat pitsaasut* naapertorlugit kukknersiuisup kukknersiortassagai, tamatumunngalu ilanngullugu Nunatta Karsiata naatsorsuutaanut tunngatillugu atortussat isornartorsiuisumik misissortassallugit. Tamatumunnga ilanngullugu kukknersiuisup naatsorsuutit eqqortuunersut, taamatullu aamma iliuutsit naatsorsuutininik saqqummiussinermit ilaatinneqartut *aningaasaliissutinut, inatsisinut najoqqutassanullu allanut kiisalu isumaqatigiissutigisanut aamma suleriaatsinut nalinginnaasunut naapertuunnersut* misissortassavai.

Kiisalu Endelig er det i § 39, stk. 2, i Kommunit Namminersorlutillu Oqartussat missingersuutaat naatsorsuutaallu pillugit Inatsisartut inatsisaanni § 39, imm. 2-imi aalajangersarneqarpoq kukknersiuisoq Inatsisartut kukknersiunermit tunngatillugu piumasaqaataanik malinnissasoq, piumasaqaatit inatsimmut aamma pisortani kukknersiunermit ileqqussanut pitsaasunut akerliunngippata.

Kukknersiunermit Ataatsimiititaliaq taamaalilluni kukknersiuisoq Inatsisartunit toqqarneqarsimasoq aqutigalugu periarfissaqarpoq “paasissutissanik suugaluartunillunniit naatsorsuutit nalilerneqarnissaannut pisariaqartunik” pissarsiniarnissaminut, tamatumunngalu

ilanngullugu iliuutsit naatsorsuutit saqqummiunneqarnerinut ilaatinneqartut aningaasaliissuteqarnermi tunngaviusut, inatsisinut peqqussutinullu allanut il.il. naapertuunnersut misilinneqarnissaannut.

Aalajangersakkakut siunnersuutigineqartukut (§ 18, imm. 3, oqaaseqatigiit siulliit atuuttut assigalugit) ataatsimiititaliaq periarfissinneqarpoq *nammineq* (tassa kukkunerisiuisoq Inatsisartunit toqqarneqarsimasoq peqataatinngikkaluarlugu) Naalackersuisunit atortussanik pissarsiniarnissamut. Aalajangersagaq kukkunerisiuilluni misissuinerмик aallartitsinissaq pissutissaqarnerisooq imaluunniit misissuineq Naalackersuisunit aallartinneqarsimasoq pissutsinik pineqartunik ataatsimiititaliap oqaluuserinninneranut tunngavigissallugu naleqqunnersooq naammannersorluunniit paasiniallugu suliap aallartisarneqarnerani pingaartumik namminerisaminik isumaqarsimavoq.

Tamatuma saniatigut aalajangersagaq namminerisaminik isumaqarpoq, tassa ataatsimiititaliap inatsisit eqqarsaatigalugit isornarsinnaasunik kukkunerisiuilluni misissuineq allanut kukkunerisiuisumut Inatsartut toqqagaannuunngitsoq isumagisassanngortikkaangagu.

Aalajangersagarli aamma atorneqarsinnaavoq ataatsimiititaliap kukkunerisiuilluni misissuinerмик atatillugu paasissutissanik atortussanillu ilassutaasunik pissarsinissani kissaatigippagu, soorlu aamma Nunatta Karsiata naatsorsuutaasa ataatsimiititaliami oqaluuserineqarnerinut atatillugu aalajangersagaq atorneqarsinnaasoq.

Tamanna maannamut suleriaasiusumut naapertuuppoq.

Aalajangersagassatut siunnersuutigineqartukut Kukkunerisiuinerмик Ataatsimiititaliaq periarfissinneqarpoq paasissutissat atortussallu suugaluartulluunniit *imm. 1-2 tunngavigalugit ataatsimiititaliap suliaasaanik ataatsimiititaliap isumaginninnerannut pingaarutillit* pissarsiarisinaanissaannut, tamatumani siullertut pineqarlutik Nunatta Karsiata naatsorsuutaasa kukkunerisiuisullu tassunga oqaaseqaataannik ataatsimiititaliap misissuataarineranut atatillugu, aappaattullu ingerlatsinerмик kukkunerisiuilluni misissuinerмик aamma inatsisit eqqarsaatigalugit isornarsinnaasunik kukkunerisiuilluni misissuinerмик ataatsimiititaliap aallartitsineranut suliarinninneranulluunniit atatillugu.

Aalajangersagassatut siunnersuutigineqartoq malillugu Naalackersuisut atortussanik ataatsimiititaliamut tunniussisarnissamik pisussaaffiannut *atortussat suugaluartulluunniit* ilaatinneqarpuq. Taamaalilluni pisussaaffik tamanna naatsorsuutinut uppernarsaatinut imaluunniit atortussanut allanut aningaasanut tunngasutigut kukkunerisiuinerмик attuumassutilinnut killilerneqanngilaq. Tamatumunnga pissutaavoq ataatsimiititaliaq

nakkutilliisussaataammat ingerlatsinermik kukkunersiulluni misissuinernik aamma inatsisit eqqarsaatigalugit isornarsinnaasunik kukkunersiulluni misissuinernik aallartitsinikkut oqaluuserinninnikkulluunniit, taamatullu aamma Kommunit Namminersorlutillu Oqartussat missingersuutaat naatsorsuutaallu pillugit Inatsisartut inatsisaanni § 39, imm. 1 tunngavigalugu kukkunersiuisup Inatsisartut toqqagaata Nunatta Karsiata naatsorsuutaanik kukkunersiuneranut aamma ingerlatsinermik kukkunersiuneq taamatullu aamma inatsisit eqqarsaatigalugit isornarsinnaasunik kukkunersiuneq tamarnik ilaammata.

Naalackersuisut atortussanik ataatsimiititaliamut tunniussisarnissamik pisussaaffiannut aamma ilapput atortussat qarasaasiani taamaallaat pigineqartut, ass. qarasaasiakkut allakkat (e-mailit).

Aamma atortussat Pisortat ingerlatsinerat pillugu paasitinneqarsinnaatitaaneq pillugu Inatsisartut inatsisaat tunngavigalugu innuttaasut paasitinneqarsinnaatitaanerannut ilaatinneqanngitsut (tassunga ilanngullugit ass. Naalackersuisut isummernissaannut tunngavissiat, Naalackersuisut ataatsimiinnerinit imaqarniliat, sulinermut atatillugu allagaatit nammineq atugassat, taamatullu aamma eqqartuussivinni suliasani atugassatut imaluunniit eqqartuussivitsigut suliasanngortitsisoqarsinnaanerata isumaliutigineqarneranut atatillugu immikkut ilisimalinnik allakkatigut attaveqatigiittarnerit) Naalackersuisut ataatsimiititaliamut tunniussisussaataitanerannut ilaapput.

Aalajangersakkakkut siunnersuutigineqartukkut Naalackersuisut pisussaaffilerneqarput ataatsimiititaliap qinnuteqarneratigut paasissutissat atortussallu taamaattut tunniuttarnissaannut. Taamatut oqaasertaliinikkut Naalackersuisunut ilaasortat akisussaanerat pillugu Inatsisartut inatsisaanni § 6, imm. 2 tunngavigalugu Naalackersuisut qinnuigineqaratik paasissutissanik suliap Inatsisartunit naliliivigineqarnissaannut annertuumik pingaaruteqartunik Inatsisartunut malugeqqusisinnaanerannik pisussaaffiannik killiliinissaq siunertarineqanngilaq.

Aalajangersakkakkut atuuttukkut ataatsimiititaliap ”atortussat pisariaqartut, naatsorsuutinut uppernarsaatit, nalunaarusiat il.il. oqartussamit naatsorsuuserisumit” piniarsinnaavai. Taamatut oqaasertaliisimaneq Inatsisartut Naalackersuisullu pillugit Inatsisartut inatsisaanni nr. 11-mi, 20. oktober 1988-imeersumi § 17-imit ingerlateqqitaavoq oqaluttuarisaanermillu tunngaveqarluni. ”Oqartussat naatsorsuuserisut” – pinngitsoorani aallaqqaammut – ”Oqartussatut naatsorsuuserisutut pineqartutut” atuarneqartussaasimavoq, tassami Namminersornerullutik Oqartussat 1988-imi naatsorsuuserisoqarfimmik qitiusumik suli pilersitsisimangimmata.

Taamatut oqaasertaliisimaneq § 18, imm. 5-ip oqaasertalerneqarnissaanut siunnersuummi ingerlateqqinneqanngilaq.

Tamatumunnga siullertut pissutaavoq taamatut oqaasertaliisimaneq imatut *atuarneqarsinnaammatt* naalakkersuisunut ilaasortaq akisussaasuusoq avaqquitiinnarlugu allaffeqarfimmit toqqaannartumik paasissutissanik atortussanillu pissarsiniarnissamut piginnaatitaanertut. Inatsiseqartitsinikkut taamatut inassisimaneq nalorninartoqartussaavoq. Naalagaaffiup aqunneqarneranut tunngaviusumik inatsit eqqarsaatigalugit allaffeqarfimmut ministerip inatsisitigut inatsisartunullu akisussaanerata malitsigisaatut taamaalilluni naatsorsuutigineqartarpoq, ministerip akisussaaffeqarfiata iluani inatsisartuni ilaasortanit ataatsimiititalianillu apeqqutit ministerimut ingerlatinneqarnissaat ministerip naatsorsuutigisinnaasariaqaraa.

Taamatut oqaasertaliisimanerup ingerlateqqinneqannginneranut pissutaasoq alla tassaavoq Naalakkersuisut Siulittaasuata Inatsisartut Naalakkersuisullu pillugit Inatsisartut inatsisaanni § 23, imm. 1 tunngavigalugu Naalakkersuisunut ilaasortat akornanni suliaasaqarfiit agguataartartarmagit, taamalu piginnaatitaalluni aaqqissuussinermik aalajangersaanissaminut, tassuuna Naalakkersuisunut ilaasortaq alla kinaagaluartorluunniit aqputigalugu ataatsimiititaliaq paasissutissanik atortussanillu pissarsiniartartussanngorlugu.

Ataatsimiititaliap ulluinnarni sulinermini maannamut Aningaasaqarnermut Naalakkersuisoq aqputigalugu Nunatta Karsiata naatsorsuutai pillugit atortussanik (paasissutissanillu) pissarsiniartarpoq, ingerlatsinermik kukkunersiuinermut aamma inatsisit eqqarsaatigalugit isornarsinnaasunik kukkunersiuinermut atatillugu atortussat (paasissutissallu) Naalakkersuisunut ilaasortaq misissorneqartumut akisussaasuusoq aqputigalugu pissarsiarineqartarlutik.

Nr. 2-mut.

Inatsisartut inatsisaanni ataatsimiititaliamut taaguutip maannamut atorneqartup ("Nunap karsiata Naatsorsuutaasa Kukkunersiorneqartarnerannut Ataatsimiititaliaq") "Kukkunersiuinermut Ataatsimiititaliaq"-mut allanngortinneqarnissaa siunnersuutigineqarpoq, ulluinnarnimi ataatsimiititaliaq taamatut taaneqartarmat, taamatullu aamma Inatsisartut Suleriaasianni ataatsimiititaliamut taaguutitut atorneqarluni.

Tamatuma saniatigut aalajangersakkakkut § 19, imm. 1 atuuttoq imarisamigut allannguuteqartinnagu ingerlateqqinneqarpoq.

§ 2-mut

---

UKA 2021/ 27

Suliaq nr.: 01.25.01/21EM-LABU-00027

Aalangersakkami piffissaq siunnersuutip atuutilerfissaa taaneqarpoq. Inatsimmik allanngortitsinerup 1. januar 2022-mi atuutlernissaa siunnersuutigineqarpoq.

<b>Siunnersuut inatsimmut atuuttumut sanilliullugu</b>	
<i>Oqaasertaliinerit atuuttut</i>	<i>Allannguutissatut siunnersuut</i>
	<p><b>§ 1</b></p> <p>Inatsisartut Naalackersuisullu pillugit Inatsisartut inatsisaanni nr. 26-imi, 18. november 2010-meersumi, Inatsisartut inatsisaatigut nr. 12, 29. november 2013-imeersukkut, Inatsisartut inatsisaatigut nr. 30, 9. december 2015-imeersukkut aamma Inatsisartut inatsisaatigut nr. 2, 29. maj 2020-meersukkut allanngortinneqartumi, uku allanngortinneqassapput:</p>
<p><b>§ 18.</b> Nunap karsiata Naatsorsuutaasa Kukkuersiorneqartarnerannut Ataatsimiititaliap nunap karsiata naatsorsuutai kukkuersiuusullu taakkununnga oqaaseqaataat ukiumut ataasiarluni misissortassavai, naatsorsuutillu pisariaqalersitaannik Naalackersuisunut apeqquteqarlunilu oqaaseqarfiginnittassalluni. Apeqqutit oqaaseqaatillu Naalackersuisut akissutaat ilanngullugit Inatsisartunut saqqummiunneqassapput.</p> <p><i>Imm. 2.</i> Ataatsimiititaliap nalilersorsinnaavaa suliffeqarfiit imm. 1 malillugu kukkuersiuinermut ilaasut aningaasaataasa aqunneqarneranni suliffeqarfiillu ingerlanneqarneranni aningaasanut tunngasut naapertuuttumik</p>	<p><b>1.</b> § 18 ima oqaasertaqassaaq: ” <b>§ 18.</b> Kukkuersiuinermut Ataatsimiititaliap Nunatta Karsiata naatsorsuutai kukkuersiuusullu taakkununnga oqaaseqaataat ukiumut ataasiarluni misissortassavai, naatsorsuutillu pisariaqalersitaannik Naalackersuisunut apeqquteqarlunilu oqaaseqarfiginnittassalluni. Ataatsimiititaliap apeqqutai oqaaseqaataalu Naalackersuisut akissutaat ilanngullugit Inatsisartunut saqqummiunneqassapput.</p> <p><i>Imm. 2.</i> Ataatsimiititaliaq qaqugukkulluunniit uku pillugit misissuinernik aallartitsinnaavoq oqaluuserinnissinnaalluniluunniit: 1) aningaasat aqunneqarneranni suliffeqarfiillu naatsorsuutinut ilaatinneqartut</p>



<p>isiginiarneqarsimanersut. Nassuiaatit, nalunaarutit il.il. nalilersuinermi atugassatut suliarineqarsimasut tiguneqarnermik kinguninngua ilisimatitsissutitut Naalakkersuisunut nassiunneqassapput.</p> <p><i>Imm. 3.</i> Ataatsimiititaliap suliaminut atugassatut atortussat pisariaqartut, naatsorsuutininut uppernarsaatit, nalunaarusiat il.il. oqartussamit naatsorsuuserisumit piniarsinnaavai. Ataatsimiititaliamut ilaasortat arlaata kissaatigippagu paasissutissat taaneqartut ataatsimiititaliamit piniarneqassapput.</p>	<p>ingerlanneqarneranni aningaasanut tunngasutigut isiginiagassat naapertuuttumik isiginiarneqarsimanersut, aamma</p> <p>2) iliuitsit naatsorsuutit saqqummiunneqarnerininut ilaatinneqartut aningaasaliissutininut nalunaarutigineqartunut, inatsisinut najoqutassianullu allanut kiisalu isumaqatigiissutininut isumaqatigiissutigineqarsimasunut nalinginnaasumillu suleriaatsimut naapertuuttuunersut.</p> <p><i>Imm. 3.</i> Ataatsimiititaliap sapinngisamik piaarnerpaamik Naalakkersuisut periarfississavaat nassuiaatit, nalunaarusiat immikkullu ilisimasalinnit naliliinerit il.il. ataatsimiititaliap imm. 2 malillugu pissarsiarisimasaasa oqaluuseriniarlugilluunniit aalajangersimasaasa oqaaseqarfiginissaannut.</p> <p><i>Imm. 4.</i> Ataatsimiititaliaq, ataatsimiititaliap tamanna pisariaqartippagu, Nunatta Karsiata naatsorsuutai pillugit isumaliutissiissuteqarnissaq utaqqinngikkaluarlugu ingerlatsinermik misissuineq imm. 2-mut ilaatinneqartoq pillugu Inatsisartunut ilisimatitsissuteqarsinnaavoq.</p> <p><i>Imm. 5.</i> Ataatsimiititaliap qinnuteqarneratigut paasissutissat atortussallu suugaluartulluunniit imm. 1-2 tunngavigalugit ataatsimiititaliap suliassaanik ataatsimiititaliap isumaginninneranut pingaarutillit Naalakkersuisut nalunaarutigisassavaat tunniuttassallugillu.</p> <p><i>Imm. 6.</i> Ataatsimiititaliamut ilaasortap ikinnerpaamik ataatsip tamanna piumasarippagu imm. 5 malillugu</p>
-----------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------	----------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------

	paasissutissanik atortussanillu ataatsimiititaliaq pissarsiniassaaq.”
<p>§ 19, imm. 1:</p> <p>Namminersorlutik Oqartussat aktiaatilittut soqutiginninnera Naalakkersuisut qanoq isumaginninnerannik Nunap karsiata Naatsorsuutaasa Kukkunersiorneqartarnerannut Ataatsimiititaliaq aamma nakkutilliisuuvoq.</p>	<p><b>2.</b> § 19, imm. 1, ima oqaasertassaaq: ” Namminersorlutik Oqartussat aktiaatilittut soqutigisaannik Naalakkersuisut qanoq isumaginninnerat Kukkunersiuinermut Ataatsimiititaliaq taamatuttaaq nakkutigissavaa.”</p>
	<p style="text-align: center;"><b>§ 2</b></p> <p>Inatsisartut inatsisaat ulloq 1. januar 2022 atuutilerpoq.</p>